



KANTONALNO JAVNO KOMUNALNO PREDUZEĆE  
**"VODOVOD I KANALIZACIJA" d.o.o. SARAJEVO**

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA

PDV-IB: 200151950004, ID: 4200151950004

Por. br.: 01841358, Mat. br.: 20187646, Kantonalni sud Sarajevo, broj rješenja: UF/I-2574/05

Sjedište: ul. Jaroslava Černija br. 8, tel: 237-655, 447-741; fax: 440-658, www.viksa.ba

Skupština Kanton Sarajevo  
Predsjedavajuća Skupštine kantona

n/r gsp. Prof.dr Mirjana Malić

Ul. Reisa Džemaludina Čauševića br.1

*SUNBA*  
*29.03.2012*  
*h*

Sarajevo, 28.03.2012. godine

Broj: 04 /12

PR	28-03-2012
Org	
jed	
01	05 2808

**Predmet: Odgovor na dopis br. 01-05-2808/12 od 05.03.2012.g.**

*112*

U skladu sa vašim dopisom broj 01-05-2808/12 od 05.03.2012.g.vezano za poslaničko pitanje gsp. Hanke Vejzović, dajemo slijedeću informaciju;

Urednost vodosnabdijevanja nekog područja Preduzeće obezbjeđuje u skladu sa tehničkim mogućnostima sistema, raspoloživim količinama vode koja se eksploatiše, odnosno akumuliranim količinama vode dovoljnim da se obezbjedi kontinuirana dnevna potrošnja. Zbog veoma lošeg stanja vodovodne mreže kojom gazduje Preduzeće, posebno zbog njene starosti, a što se manifestuje kroz velike gubitke vode, prinuđeni smo vršiti noćno obaranje pritiska, kako bi se obezbjedile dovoljne količine vode u dnevnim satima. Stanje vodovodne mreže, ali i drugih sredstava rada Preduzeća je takvo, zbog nedostatka sredstava za njihovo obnavljanje.

Ključni problem leži u činjenici da se ne primjenjuju odredbe Zakona o komunalnim djelatnostima („Službene novine Kantona Sarajevo“ br. 31/04, 21/05), prvenstveno člana 23. Njime je regulisano da će osnivač, ukoliko preduzeće posluje sa cijenama koje ne odražavaju stvarne troškove rada preduzeća, nadomiriti razliku iz Budžeta. Zakon je donesen 2004. godine, ali ova njegova odredba se u slučaju našeg preduzeća ne primjenjuje. Cijena vode i odvodnje nije utvrđena u skladu sa stvarnim troškovima poslovanja, u cijeni nikada nije sadržana amortizacija (prosječna ostvarena cijena vode i odvodnje je 1,18 KM/m<sup>3</sup> vode, a stvarna 2,93 KM/m<sup>3</sup>), tako da Preduzeće ni približno ne može da obnavlja svoja sredstva u mjeri u kojoj je to potrebno. Kako je ovaj problem prisutan preko trideset godina, a period rata je takođe ostavio svoje posljedice, Preduzeće posluje sa gubitkom cijeli ovaj period, vodovodna mreža i oprema obnavlja se od slučaja do slučaja, gubici vode u mreži, zavisno od uloženih sredstava Budžeta Kantona, se povećavaju ili neznatno smanjuju. Već nekoliko godina, ne da nema novca za obnavljanje sredstava rada, već je problem i za redovno poslovanje, jer se od prihoda, koji se fakturiše u toku jedne godine, mogu izmiriti samo obaveze po osnovu poreza i doprinosa, plate zaposlenicima i troškovi el.energije.

Da se, prvenstveno, vodovodna mreža nalazi u veoma lošem stanju, Preduzeće je sačinilo brojne informacije, koristilo svaku priliku da ukaže na probleme, podnosilo niz zahtijeva za povećanjem cijena, ukazalo na moguće posljedice u vodosnabdijevanju i dr. Na našoj internet stranici, od jula 2009.g , objavljena je u formi tzv. Letka, informacija pod naslovom „Zašto je vodosnabdijevanje ugroženo“, na koju nažalost nije bilo reakcija.

Da Preduzeće posluje sa cijenama koje nisu ekonomske konstatovao je i Ured za reviziju institucija u FBiH prilikom kontrole finansijskih izvještaja Preduzeća za 2008. godinu, te je u Izvještaju naveo da

su „cijene vode i odvodnje niže od stvarne cijene koštanja (ne uključuje trošak amortizacije). Planom poslovanja konstantno se planira gubitak i tako usvaja od nadležnog organa.“

Zbog svega naprijed navedenog posebno teško stanje je u segmentu vodosnabdjevanja, jer je nemogućnost obnavljanja sredstava rada, dovela do toga da je danas njihova otpisanost veoma velika:

- vodovodna mreža - otpisanost 74%,
- rezervoari - otpisanost 62%,
- pumpe za vodu - otpisanost 84%,
- elektro postrojenja - otpisanost 76%,
- laboratorijske opreme za kontrolu vode- otpisanost 81%.

Oprema Preduzeća ima ukupnu stopu otpisanosti od 84%, a samo mehanizacija 94%, a teretna i vučna vozila 96%.

U posljednje dvije godine dovedeni smo u situaciju , ne samo da ne obnavljamo dijelove sistema čija je knjigovodstvena vrijednost već duži period jednaka „nuli“, nego smo prepolovili sredstva koja ulažemo u tzv.“redovno održavanje“.

Dosadašnjim odnosom prema cijeni vode učinjena je velika šteta Preduzeću, ali i društvu u cjelini, jer provodeći politiku „zaštite standarda“ a nekompezirajući ova sredstva na drugi način, stvaraju se realne pretpostavke da jednog dana i uredno dnevno vodosnabdijevanje bude problemom ovog Grada. Poslovanje u postojećim uslovima nije ni približno stanju koje bi se moglo označiti normalnim, ali Preduzeće poduzima sve raspoložive mjere da potrošači to što manje osjete.

Činjenica je da se iz Budžeta Kantona Sarajevo svake godine izdvajaju i sredstva kapitalnog granta za oblast vodovoda i kanalizacije, međutim, nakon poslijeratnog uspostavljanja cjelodnevnog snabdjevanja Grada vodom, najveći dio ovih sredstava usmjerava se na izgradnju mreže u neurbaniziranim naseljima, dok postojeća sredstva sve više propadaju. U Budžetu Kantona za 2011. godini nisu planirana sredstva za održavanje postojeće vodovodne mreže.

Preduzeće raspolaže sa pripremljenim Programima za sanaciju vodovodnog i kanizacionog sistema za jednogodišnji, trogodišnji i desetogodišnji period, kao i sa Razvojnim projektima, ali novac predstavlja ograničavajući faktor. Više o ovome se može pronaći na našoj web stranici ([www.viksa.ba](http://www.viksa.ba)).

S poštovanjem,



Direktor  
*[Signature]*

Srna Muamera, dipl.ing. građ.